

BOSNA I HERCEGOVINA
MINISTARSTVO CIVILNIH POSLOVA
KOMISIJA ZA DEMINIRANJE U BiH
CENTAR ZA UKLANJANJE MINA U BiH



БОСНА И ХЕРЦЕГОВИНА
МИНИСТАРСТВО ЦИВИЛНИХ ПОСЛОВА
КОМИСИЈА ЗА ДЕМИНИРАЊЕ У БиХ
ЦЕНТАР ЗА УКЛАЊАЊЕ МИНА У БиХ

P R A V I L N I K
O PROVOĐENJU ZAKONA O ZAŠTITI LIČNIH PODATAKA
U CENTRU ZA UKLANJANJE MINA
U BOSNI I HERCEGOVINI

Sarajevo, septembar 2024. godine

Na osnovu člana 61. stav 2., a u vezi sa članom 101. stav 2. Zakona o upravi („Službeni glasnik BiH“ broj: 32/02, 102/09 i 72/17) i člana 11. stav (3) Zakona o zaštiti ličnih podataka („Službeni glasnik BiH“ br.: 49/06, 76/11 i 89/11), uz prethodnu saglasnost Komisije za deminiranje u Bosni i Hercegovini datu na 3. redovnoj sjednici dana 23.09.2024. godine, direktor Centra za uklanjanje mina u Bosni i Hercegovini, donosi:

PRAVILNIK O PROVOĐENJU ZAKONA O ZAŠTITI LIČNIH PODATAKA U CENTRU ZA UKLANJANJE MINA U BOSNI I HERCEGOVINI

I. Opšte odredbe

Član 1.

(Predmet Pravilnika)

Pravilnikom o provođenju Zakona o zaštiti ličnih podataka u Centru za uklanjanje mina u Bosni i Hercegovini (u daljem tekstu: Pravilnik) propisuju se pravila i procedure u Centru za uklanjanje mina u Bosni i Hercegovini (u daljem tekstu: BHMACH) za obradu ličnih podataka u BHMACH-u, postupak davanja ličnih podataka trećoj strani i prijenos podataka u inostranstvo, pravila za ostvarivanje prava nosioca podataka, način i postupak vođenja evidencija propisanih Zakonom o zaštiti ličnih podataka (u daljem tekstu: Zakon), te postupak donošenja Plana sigurnosti podataka u BHMACH-u.

Član 2.

(Definicija)

Izrazi koji se koriste u ovom Pravilniku imaju isto značenje kao u Zakonu.

II. Obrada ličnih podataka

Član 3.

(Zbirke ličnih podataka koje se vode u BHMACH-u)

BHMACH vodi sljedeće zbirke ličnih podataka:

- a) Evidencija o zaposlenim u Centru za uklanjanje mina u BiH na osnovu Zakona o radu u institucijama Bosne i Hercegovine, Zakona o državnoj službi u institucijama Bosne i Hercegovine i Uputstva o sadržaju, načinu vođenja i čuvanja personalnih dosjea zaposlenih u institucijama BiH;
- b) Evidencija o obračunu i isplatama plata i naknada zaposlenim u Centru za uklanjanje mina u BiH na osnovu Zakona o platama i nakanadama u institucijama BiH;
- c) Evidencija o izdatim deminerskim akreditacijama i ovlaštenjima u BiH na osnovu Zakona o deminiranju u BiH;
- d) Evidencija o žrtvama mina u Bosni i Hercegovini na osnovu Standarda za upozoravanje na mine u BiH;
- e) Evidencija rada u Centru za uklanjanje mina u BiH na osnovu Zakona o radu u institucijama BiH, Zakona o državnoj službi u institucijama BiH i Uputstva o evidenciji rada u Centru za uklanjanje mina u BiH;

- f) Evidencija o izrečenim disciplinskim kaznama u Centru za uklanjanje mina u BiH na osnovu Zakona o radu u institucijama BiH i Pravilnika o disciplinskoj i materijalnoj odgovornosti u institucijama BiH;
- g) Evidencija troškova zakupa po osnovu ugovora o zakupu na osnovu Zakona o zakupu poslovnih zgrada i prostorija.

Član 4.

(Svrha obrade)

Svrha obrade ličnih podataka sadržanih u zbirkama ličnih podataka iz člana 3. ovog Pravilnika proizilazi iz zakona koji predstavljaju pravni osnov za njihovu obradu.

- a) Lični podaci u Evidenciji o zaposlenim u Centru za uklanjanje mina u BiH obrađuju se u svrhu regulisanja radno pravnog statusa, te prava i obaveza službenika i zaposlenih u BHMACH-u, u skladu sa Zakonom o državnoj službi u institucijama Bosne i Hercegovine i Zakonom o radu u institucijama Bosne i Hercegovine;
- b) Lični podaci u Evidenciji o obračunu i isplatama plata i naknada zaposlenim u Centru za uklanjanje mina u BiH obrađuju se u svrhu isplate plata i naknada zaposlenih, te u svrhu ispunjavanja obaveza koje BHMACH, kao budžetska institucija, ima prema drugim državnim organima i institucijama u skladu sa Zakonom o platama i naknadama u Institucijama BiH i drugim zakonima koji se odnose na ovu oblast;
- c) Lični podaci u Evidenciji o izdatim deminerskim akreditacijama i ovlaštenjima u BiH obrađuju se u svrhu izdavanja deminerskih akreditacija i ovlaštenja za rad na poslovima deminiranja u skladu sa Zakonom o deminiranju u Bosni i Hercegovini;
- d) Lični podaci u Evidenciji o žrtvama mina u Bosni i Hercegovini obrađuju se u svrhu vođenja evidencije o podacima žrtava mina u BiH;
- e) Lični podaci u Evidenciji rada u Centru za uklanjanje mina u BiH obrađuju se u svrhu regulisanje radno pravnog statusa, te prava i obaveza službenika i zaposlenih u BHMACH-u, u skladu sa Zakonom o državnoj službi u institucijama Bosne i Hercegovine i Zakonom o radu u institucijama Bosne i Hercegovine;
- f) Lični podaci u Evidenciji o izrečenim disciplinskim kaznama u Centru za uklanjanje mina u BiH obrađuju se u svrhu ispunjavanja obaveze vođenja evidencije o izrečenim disciplinskim mjerama i kaznama za zaposlenike u provedenim disciplinskim postupcima;
- g) Lični podaci u Evidenciji troškova zakupa po osnovu ugovora o zakupu obrađuju se u svrhu zakupa poslovnih prostorija na sedam (7) lokacija u Bosni i Hercegovini kod fizičkih lica;

Član 5.

(Mjera i obim)

Podatke u zbirkama ličnih podataka iz člana 3. ovog Pravilnika BHMACH obrađuje u obimu koji je utvrđen u propisima koji predstavljaju pravni osnov za vođenje ovih evidencija.

- a) Evidencija o zaposlenim u Centru za uklanjanje mina u BiH sadrži slijedeće vrste ličnih podataka: ime, prezime i pol zaposlenog; mjesto i datum rođenja zaposlenog; adresa prebivališta zaposlenog; mjesto rada zaposlenog; stručna sprema, odnosno zanimanje zaposlenog; radno mjesto zaposlenog; datum početka rada zaposlenog u instituciji; je li zaposlen na određeno ili neodređeno vrijeme; staž osiguranja do stupanja u rad u institucijama; broj radne knjižice; radno vrijeme zaposlenog; ukoliko je radni odnos zaključen na nepuno radno vrijeme, naziv drugog poslodavca kod kojeg je zaposlen; datum i pravni osnov prestanka rada zaposlenog u instituciji; ostali podaci;
- b) Evidencija o obračunu i isplatama plata i naknada zaposlenim u Centru za uklanjanje mina u BiH sadrži slijedeće vrste ličnih podataka: ime, ime oca, prezime, spol, jmb, broj socialnog osiguranja, kvalifikacija, opština stanovanja, adresa stanovanja, opština

stanovanja porodice, opština PIO, opština zdravstva, opština doprinosa za zapošljavanje, radno mjesto, kategorija ovlaštenja, datum zaposlenja, prethodni staž, banka, transakcijski račun banke, račun zaposlenika, vrsta plaćanja, platni razred, osnovni koeficijent, evidencija o prisustvovanju na poslu, bolovanju;

- c) Evidencija o izdatim deminerskim akreditacijama i ovlaštenjima u BiH sadrži sljedeće vrste ličnih podataka: ime i prezime; podaci o osuđivanosti/neosuđivanosti; zdravstveno stanje; mjesto i datum rođenja; mjesto prebivališta i krvna grupa;
- d) Evidencija o žrtvama mina u Bosni i Hercegovini sadrži sljedeće vrste ličnih podataka: ime, ime jednog roditelja i prezime; datum rođenja; spol; mjesto stanovanja; kontakt informacije; informacije o povređivanju; aktivnost koja je izazvala povredu; socijalni status; podaci o članovima domaćinstva;
- e) Evidencija rada u Centru za uklanjanje mina u BiH sadrži sljedeće vrste ličnih podataka: ime i prezime zaposlenog; broj radnih sati; neopravdan izostanak sa posla; suspenzija; praznici u Federaciji Bosne i Hercegovine; praznici Republike Srpske; praznici u Brčko Distriktu Bosne i Hercegovine; vjerski praznici; prekovremeni rad-zbir sati radnog vremena i broja sati prekovremenog rada; sedmični odmor, najmanje 24 sata neprekidno; godišnji odmor; službeni put; plaćeno odsustvo; neplaćeno odsustvo; porodijsko odsustvo; privremena spriječenost za rad zbog bolesti, povrede i drugih zakonom propisanih razloga;
- f) Evidencija o izrečenim disciplinskim kaznama u Centru za uklanjanje mina u BiH sadrži sljedeće vrste ličnih podataka: ime i prezime zaposlenog; radno mjesto; organizaciona pripadnost zaposlenika; vrsta izrečene disciplinske kazne; broj i datum konačne odluke o disciplinskoj kazni; datum izvršenja disciplinske kazne;
- g) Evidencija troškova zakupa po osnovu ugovora o zakupu sadrži sljedeće vrste ličnih podataka: ime i prezime zakupodavca; adresa prebivališta; jmb zakupodavca; podaci o poslovnom prostoru, površina i adresa, koja je u vlasništvu zakupodavca; tekući račun otvoren kod komercijalne banke; iznos mjesečnog zakupa.

Član 6.

(Tačnost i autentičnost)

Službenik ili zaposlenik BHMAC-a dužan je pravovremeno ažurirati podatke u zbirkama ličnih podataka iz člana 3. ovog Pravilnika na osnovu relevantne dokumentacije i osigurati dokaze o porijeklu ličnih podataka.

- a) Obrada ličnih podataka u Evidenciji o zaposlenim u Centru za uklanjanje mina u BiH, Evidenciji o obračunu i isplatama plata i naknada zaposlenim u Centru za uklanjanje mina u BiH, Evidenciji o izdatim deminerskim akreditacijama i ovlaštenjima u BiH, Evidenciji rada u Centru za uklanjanje mina u BiH, Evidenciji o izrečenim disciplinskim kaznama u Centru za uklanjanje mina u BiH i Evidenciji troškova zakupa po osnovu ugovora o zakupu vrši se u Sektoru za podršku i finansije.
- b) Obrada ličnih podataka u Evidenciji o izdatim deminerskim akreditacijama i ovlaštenjima u BiH i Evidenciji o žrtvama mina u Bosni i Hercegovini vrši se u Sektoru za operacije.

Član 7.

(Rokovi za obradu podataka)

Rokovi za obradu podataka u zbirkama ličnih podataka iz člana 3. ovog Pravilnika određeni su u Listi kategorija registraturne građe sa rokovima čuvanja u BHMAC-u:

- a) Podatke u Evidenciji o zaposlenim u Centru za uklanjanje mina u BiH BHMAC obrađuje trajno;
- b) Podatke u Evidenciji o obračunu i isplatama plata i naknada zaposlenim u Centru za uklanjanje mina u BiH BHMAC obrađuje trajno;

- c) Podatke u Evidenciji o izdatim deminerskim akreditacijama i ovlaštenjima u BiH BHMAC obrađuje jednu godinu i to: podaci o osuđivanosti/neosuđivanosti, zdravstveno stanje, mjesto prebivališta, a ostale podatke trajno u elektronskoj bazi podataka;
- d) Podatke u Evidenciji o žrtvama mina u Bosni i Hercegovini BHMAC obrađuje trajno;
- e) Podatke u Evidenciji rada u Centru za uklanjanje mina u BiH BHMAC obrađuje trajno;
- f) Podatke u Evidenciji o izrečenim disciplinskim kaznama u Centru za uklanjanje mina u BiH BHMAC obrađuje trajno;
- g) Podatke u Evidenciji troškova zakupa po osnovu ugovora o zakupu BHMAC obrađuje jednu godinu.

III. Davanje ličnih podataka trećoj strani i prijenos podataka u inostranstvo

Član 8.

(Davanje ličnih podataka trećoj strani)

- (1) Davanje podataka sadržanih u zbirkama ličnih podataka iz člana 3. ovog Pravilnika trećoj strani se vrši u skladu sa članom 17. Zakona ukoliko su u pitanju javni organi i ukoliko je istim potrebno za izvršavanje zakonom utvrđene nadležnosti.
- (2) Davanje podataka sadržanim u zbirkama ličnih podataka iz člana 3. ovog Pravilnika trećoj strani, koji je pravno i fizičko lice, vrši se u skladu sa Zakonom o slobodi pristupa informacijama.
- (3) Davanje podataka iz evidencije o zaposlenim i evidencije o obračunu i isplatama plata vrši se institucijama, ustanovama i zavodima radi regulisanja radno pravnog statusa kao i prava i obaveza zaposlenika.

Član 9.

(Prijenos podataka u inostranstvo)

Podatke iz zbirke ličnih podataka iz člana 3. ovog Pravilnika BHMAC neće prenositi u inostranstvo.

IV. Ostvarivanje prava nosioca podataka

Član 10.

(Postupak po zahtjevu nosioca podataka)

- (1) Po prijemu zahtjeva nosioca podataka, koji se odnosi na informacije u vezi obrade njegovih ličnih podataka, BHMAC nosiocu podataka u roku od 30 dana dostavlja odgovor jednom godišnje bez naknade, u skladu sa članom 25. stav (1) Zakona.
- (2) Osim dostavljanja informacije nosiocu podataka jednom godišnje bez naknade, BHMAC uz odgovarajuću naknadu, nosiocu podataka dostavlja informacije u bilo koje vrijeme, u skladu sa članom 25. stav (2) Zakona.
- (3) BHMAC može odbiti zahtjev nosioca podataka, koji se odnosi na informacije u vezi obrade njegovih ličnih podataka, kada je ispunjen jedan od slučajeva propisan u članu 28. Zakona.

Član 11.

(Ispravke i brisanje podataka)

BHMAC obavještava nosioca podataka i druga lica, kojima su preneseni podaci, o eventualnim ispravkama i brisanju tih podataka ako se time ne narušava opravdan interes nosioca podataka, u skladu sa članom 27. Zakona.

V. Evidencije iz Zakona

Član 12.

(Evidencija o zbirkama ličnih podataka)

- (1) BHMAC vodi evidenciju o svakoj zbirci ličnih podataka iz člana 3. ovog Pravilnika, u skladu sa članom 13. Zakona.
- (2) Evidencija iz stava (1) ovog člana sadrži osnovne informacije o svakoj zbirci ličnih podataka i vodi se na obrascu evidencije koji je propisan Pravilnikom o načinu vođenja i obrascu evidencije o zbirkama ličnih podataka.

Član 13.

(Evidencija o davanju ličnih podataka trećoj strani)

- (1) BHMAC vodi evidenciju o ličnim podacima koji su dati trećoj strani i svrsi za koju su dati, u skladu sa članom 17. stav (5) Zakona.
- (2) Evidencija iz stava (1) ovog člana vodi se u elektronskom obliku, na obrascu broj 1. koji je sastavni dio ovog Pravilnika.

Član 14.

(Evidencija o odbijenim zahtjevima nosioca podataka)

- (1) BHMAC vodi evidenciju o odbijenim zahtjevima nosioca podataka u skladu sa članom 26. Zakona.
- (2) Evidencija iz stava (1) ovog člana vodi se u elektronskom obliku na obrascu broj 2. koji je sastavni dio ovog Pravilnika.

Član 15.

(Vođenje evidencija)

Evidencije iz člana 12., 13. i 14. ovog Pravilnika vodi organizaciona jedinica iz člana 6. ovog pravilnika.

VI. Plan sigurnosti

Član 16.

(Postupak donošenja Plana sigurnosti)

- (1) BHMAC donosi Plan sigurnosti, koji sadrži tehničke i organizacione mjere za sigurnost podataka koji se obrađuju u BHMAC-u, u skladu sa Pravilnikom o načinu čuvanja i posebnim mjerama tehničke zaštite.
- (2) Procjenu adekvatnosti tehničkih i organizacionih mjera zaštite ličnih podataka vrši Stručni kolegij BHMAC-a.

VII. Završne odredbe


Član 17.

(Stupanje na snagu)

Ovaj Pravilnik stupa na snagu danom potpisivanja.

Broj: DPA/03-02-3-1235/23

Datum: 25.09.2024.



Босна и Херцеговина
 Центар за уклањање мина у Босни и Херцеговини

(organizaciona jedinica)

Босна и Херцеговина
 Центар за уклањање мина у Босни и Херцеговини

(организациона јединица)

**EVIDENCIJA O LIČNIM/OSOBNIM PODACIMA DATIM NA KORIŠTENJE KORISNICIMA LIČNIH/OSOBNIH PODATAKA
 I SVRSI ZA KOJU SU LIČNI/OSOBNI PODACI DATI**

**ЕВИДЕНЦИЈА О ЛИЧНИМ ПОДАЦИМА ДАТИМ НА КОРИШТЕНЈЕ КОРИСНИЦИМА ЛИЧНИХ ПОДАТАКА
 И СВРСИ ЗА КОЈУ СУ ЛИЧНИ ПОДАЦИ ДАТИ**

Redni Broj	Zaposlenik koji obrađuje lične/osobne podatke (ime i prezime, radno mjesto, org. jedinica)	Datum davanja Ličnih/osobnih podataka	Vrsta ličnih/osobnih podataka koji se daju na korištenje	Pravni osnov i svrha za koju se lični/osobni podaci daju	Napomena
1.	Завосленик који обрађује личне податке (име и презиме, радно мјесто, орг. јединица)	Датум давања личних података	Врста личних података који се дају на кориштење	Правни основ и сврха за коју се лични подаци дају	Напомена
2.					
3.					

Босна и Херцеговина
 Центар за уклањање мина у Босни и Херцеговини

(организациона јединица)

Босна и херцеговина
 Центар за уклањање мина у Босни и Херцеговини

(организациона јединица)

**EVIDENCIJA O ODBIJENIM ZAHTEJEVIMA NOSILACA LIČNIH/OSOBNIH PODATAKA ZA PRUŽANJE INFORMACIJE
 U VEZI S OBRADOM NJEGOVIH LIČNIH/OSOBNIH PODATAKA**

**ЕВИДЕНЦИЈА О ОДБИЈЕНИМ ЗАХТЈЕВИМА НОСИЛАЦА ЛИЧНИХ ПОДАТАКА ЗА ПРУЖАЊЕ ИНФОРМАЦИЈЕ
 У ВЕЗИ С ОБРАДОМ ЊЕГОВИХ ЛИЧНИХ ПОДАТАКА**

Redni Broj	Ime i prezime nosioca ličnih/osobnih podataka	Broj i datum zahtjeva	Sadržaj zahtjeva	Broj i datum Rješenja o odbijanju zahtjeva	Razlog odbijanja zahtjeva	Napomena
Редни број	Име и презиме носиоца личних података	Број и датум захтјева	Садржај захтјева	Број и датум Рјешења о одбијању захтјева	Разлог одбијања захтјева	Напомена
1.						
2.						
3.						